

ایله اعاده ایدیش اولدقلرینی روایت ایدیورلر . اسماة بن شریک دیورکه : اثنای حجه اول حضرت درلودرلو سؤلر صوریلور ، « مناسک آراسنده تقدیم ، تأخیرلر یابدم . . . » دنیلیور ، فقط پیغمبر علیه السلام ده : « بآس یوق ، کناه مسلمانلرک عرضنه تجاوز ایدن ظالملر ایچوندر . . . » بویوریلورلردی .

صوکرآ علیه الصلاة والسلام افندمن منا بازارینک وسطنده کائن اولان منجره - قربان بوغازلنه جقیره - کلدیله . کندی مبارک اللریله آلتش اوج دوه ذبح ایتدکن صوکرآ یوزه بالغ اولق اوزره اوتوز یدیی ده حضرت علی ایله کسیدلی . بعده امر نبوی اوزرینه قربانلرک ایلری ، دریلری هب حضرت علی طرفندن فقرایه توزیع اولندی . حتی ذبح خصوصنده یاردملری طوقونلرک اجر تلی دخی قربانلردن دکل ، جیب نبویدن تسویه اولندی . بونلری متعاقب بلااستثنا منانک هریرنده قربان کسیده بیله جکنی ، حتی مکبه اینیله جک یوللرک هپسی ده محل نحر اولدیغنی اعلان بویوردیلر . صوکرآ اصحابدن معمر بن عبدالله نامنده بر برر چاغیریلدی . اول حضرتک اشارتی اوزرینه ابتدا مبارک باشنک صاغ طرفی تراش ایدیلرک صاچ دانهلری برر ، ایکیشر اوراده بولان اصحاب بیننده توزیع اولندی . صول طرفک صاچلری ده ابو طلحه یه ویریلدی . مبارک طیرناقلری کسیده رک آنلردم یره دوشورولمادی ، اصحاب کرام طرفندن آلدی .

بعده مکه مکرمه یه اینیله رک هنوز زوال بولماش ایکن کعبه معظمه یی یدی دفعه طواف ایتدیلر . بو طوافه « طواف زیارت » و « طواف افاضه » و « طواف صدر » ناملری ویریلر . علیه الصلاة والسلام افندمن یا کثرت ازدحامدن ، یاخود بعض روایتلره کوره مبارک آیقلرنده آز چوق آغری بولندیغندن ، خلاصه هر حالده بر معذرته مبنی بو طوافی را کباً اجرا بویورمشلردر . صوکرآ زمزم شریف قپوسی یانینه کله رک تقدیم اولنان صودن قائماً ایچدیلر .

بعده منایه عودت بویوریلدی . اوکله نمازینسک مکده می ، یاخود منایه عودت ایتدکن صوکرآ ادا ایدیش بولندیغنی حقنده اختلاف اولمشلدر . حضرت عائشه ایله جابر بن عبدالله برنجی شقی ، عبدالله بن عمر حضرتلری ایسه ایکنجیسنی التزام بویورمشلردر .

اوکیجه مناده کچیرلدی . ایرته سی ، یعنی ایام نحرک ایکنجی کونی بعدالزوال ، قبل الصلاة یورویه رک مسجد خیف قربنده اولان « جمره اولی » یه کلدیله . هر دفعه سنده تکبیر کتیره رک یدی طاش آتدیلر . اینیسه طوغری آزاچق ایلرولیه رک قبله یه متوجه بولندقلری واللرینی قالدیردقلری حالده همان سوره بقره قدر اوزون بردعا یابدیلر . صوکرآ « جمره وسطی » یه کله رک اوراسنی ده برنجی ده اولدیغنی کبی طاشلادیلر . صولدن وادینک وسطنه طوغری برقاچ آدیم ایلرولیه رک قبله یه قارشی طور دقلری حالده همان برنجی یه یاقین اوزونجه دعا ایتدیلر . صوکرآ « جمره العقبه » یه کله رک بیت شریفی صولنه ، منای صاغنه آلتش بولندیغنی حالده اوراسنی ده اصولی وجهله طاشلادیلر . فقط بو جمره یی متعاقب

کندی جزای عملمزی چکمکده یز . اوت ، شهامت ، همتی ، سعی ، صدق ، استقامتی ، عفتی ، اتحادی ، تعاونی ، عضدیتی ، غیرتی ، فعالیتی براقدیغمز ایچون او یله شانلی بر ماضیدن بویله ذلیل برخاله کلدک ! آیت جلیله نک (واذا اراد الله بقوم سوءاً) قسمنه کلنجه ، جناب حق بر قومک فلا کتتی ایسترسه دیمک ، یوقاریدن بری ویریلن ایضاحانه کوره ، اوقوم کندی معاملاتیه ، کندی حرکانیه فلا کته استحقاق کویسترسه دیمکدر .

شیخ محمد عبده

محمد عاکف

فَقَرُّ وَفَتْاَوُیْ

فقر و عبادات اسلامیه نایفندره :

حج

۱۲

رسول اکرم افندمن حضرتلری « بطن محسر » دنیان یره کلنجه اورادن سرعتیجه کچویردیلر . نحر کوننک کونشی طلوع ایتدی . آرتق « جمره العقبه » یه کلشلردی . بیت شریفی صولنه ، منای صاغنه آله روق را کب اولدقلری حالده جمره یه متوجه آردی صره یدی طاش ایله اوراسنی طاشلادیلر . هر طاشی آتدقجه تکبیر کتیر بویورلر ، فقط آرتق تلیمه ایدیلر بوردی . رمی جمره اثناسنده اسمایله بلال رضی الله عنهمادن بری ناقه نبوینک دیزکینی طوتیور ، دیکری ده اول حضرتی کونشدن محافظه ایدیوردی .

صوکرآ مناده « مسجد خیف » قربنده ذات نبویلرینه مخصوص اولق اوزره حاضرلنسان یره کله رک یوکسک سس ایله غایت بلیغ بر خطبه ایراد بویوردیلر . بو خطبه یی مناده بولان حجاج کرامک هپسی ده ایشیدییوردی . خطبه ده یوم نحرک فضیلتی ، مکه مکرمه نک محرمیتی ، کتاب الله دعوت ایدن امرایه اطاعتک لزومی بیان بویوریلوردی . بوندن صوکرآ کفره میل ایله یکدیگرینه دوشمه ملری توصیه ، مناسک حج تعام اولتیوردی . . . « مأمولدرکه بر دهسا حج ایدم ، بوندن بویله شو یرلرده کوریشمک ممکن اوله ماز . . . فقط ربکنزه عبادت ایدکز ، بش وقتکنزی قبلکنز ، رمضان اوروجنی طوتکنز ، امیرلرکنزه اطاعت ایدیکنز . . . » دیدکن صوکرآ ناسه وداع ایله ایشیدنلرک ایشتمینلره ایریشدیرمه منی توصیه بویوردیلر . بوراده افعال حجه دائر بعض سؤلر ایراد اولندی . مثلاً رمی جاردن اول تراشک و ذبحک حکملری صوریلش ؛ اول حضرت طرفندن « بآس یوق » معنا سنده اولان « لاخرج » جوابی آلتش ایدی . عبدالله بن عمر ، بوراده صوریلان سؤللردن هپسنک « لاخرج »